


Enformaziuns y Comunicaziuns



Gejù à dit: „Chi co crèi te mè, vir inçe sce ai mör!“

La comunité tol comié da **Patrizia Rungger** morta al'eté de 52 agn. Ai familiars ti va les condolianzes plü sontides. Che Patrizia pòi palsé tla pêsc de Dio!

A düc chi de terza elementara: Mitans y mituns co va eniann te terza, à sên la poscibilitè da gnì pal grup dai ministronc. La pröma proa gnarà tignida en lönesc ai 5 de novèmber ales 2 dômsidé, te dlíja. I ministronc nös gnarà spo ensignês ete da signor Heinrich y Carlo Suani, y la festa de iestiziun gnarà spo tignida la terza domëgna d'Advënt ai 16 de dezëmber. Gnide trec!

San Martin te familia: Jö a pè de dlíja èl motü fora de pici libri fora dal cèrtl "Familien feiern Feste". Te chisc sfèisc nen vara dla festa de San Martin, y an ciafa lèite de vigne sort de impuls por ti dé pèis a cösta festa inçe te familia, valorisé le message tan emportant che cösc sant nes à dé - chël dal partì, y ti al porté plü damprò inçe ai mituns. Dötes les families è bel enviades da s'an tó a ciasa önn.

Encuntada: Le Consèi de Ploania d'La Pli mèt da jì encuntades por jì plü sot tla Parora de Dio, con reflesciuns sön le vagnele dla domëgna. Düc chi co è enteres po tó pert ales encuntades les jöbies ai 8, 15, 22 y 29 de novèmber, dales 19:30 ales 20:30 te calogna d'La Pli basete. Le grup vën condüt da Josef Erhard da Biei y vignönn po tó pert canche al ô y sciafia.

Caritas: I saç dla Caritas è da dé jö por en sabeda ai 10 de novèmber ales 8 da doman, sön paiun nò. Al vën perié da mèter le quant tai saç aposta dla Caritas o te cartuns, mo nia tai saç fosc. Dër bel iolan!

Liturgia: Vigne dédemesaledema dales 14:00 ales 15:00 è düc enviês da gnì te calogna basète olache an s'encunta por la preparaziun y reflesciun liturgica sön les letöres y le vagnele dla domëgna co vën. Le grup è lède y davert a düc.

Seniorenclub: La proscima encuntada n'è nia ai 9/11, desco scrit sön le program, mo en dédemesaledema ai 14 de novèmber ales 15:00, te salf dles manifestaziuns.

Curs: Les Patrones Mareo organisèia n curs da laoré sò la cern, en dédemesaledema ai 14 de novèmber dales 20:00, tla bocaria a Longega. Da s'anunzié èl anter en lönesc ai 12 de novèmber pa Irma, al numer 388/7432249. Düc è dër bel enviês.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Telefönn y fax de calogna: 0474 501006. Radio Ploania: MhZ 93,00

Comunicaziuns - cina al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Ploania da descáriari sön www.comun.mareo.bz.it y sön www.valbadiaonline.it



La plata de Ploania

E-Mail: ploaniaalplan@gmail.com - Radio: 93,00 MhZ

Domëgna dai Tomês - 31. dal ann B, ai 4.11.12 - nr. 48


Redaziun dla plata: Pablo Palfrader, Margot Pisching, Angela Zingerle

Ti orèi bun a Dio con cör y anima!

Dal vagnele do San Merch 12, 28b-34

Te chël tomp ^{28b}ti è jü n stüdié dla lege pomez a Gejù y l'à damané: Ci comandamont è pa le pröm de düc? ²⁹Gejù à respognü: Le pröm è: Alda, Ìsrael, le Signur, nosc Dio, è le Signur su. ³⁰Porchël desste ti orèi bun al Signur, to Dio, con döt le cör y con dōta l'anima, con düc tū ponsiers y con dōta tōa forza. ³¹Desco secundo vën laprò: Te dess ti orèi bun a to proscimo desco a te enstès. Degün ater comandamont è maiü co chisc dui.

Parora dal Signur. - Lalt a té, Gejù Crist!



Benedisciun dal Monumont dai Tomês



Encö podunse benedì le Monumont dai Tomês nò. Le monumont è na recordanza a chi trec jog y èi co n'è nia plü gnüs zoruch dla vera, por ne desmoncé nia le prisc che trec à mossü paié por defène so daciassa.

Mo doia èl inçe le dölur d'en gröm de families, co à aspeté dio alalungia - baldi por nia - che sù omi, sù peri, sù mituns, sù fredesc, roass zoruch.


En monumont dai tomês dess dagnora inçe ester en amonimont ales generaziuns da encö, da se tigni tóch la pêsc, ch'i àn la fortüna da avèi atlò da nos.

I aldiun pö dé por dé dles crudeltès che la vera porta y comporta, y dles plaies davertes che ara lascia tles animes d'en gröm de jont. Le monumont dess nes daidè recordé che la pêsc è en gran valor, con chël che i dèssun entres ciaré da fà bel, y che i dèssun coltivé dé por dé. Gonot vën la pêsc motüda al prigo massa ala lesiera, ara vën aratada na cossa logica. Le monumont nes envièia indiretamonter da nes fà portadus de pêsc, na pêsc mèt man belo te nos enstèsc, te familia, tles vijinanzas, te païsc, danter naziuns y popolaziuns.

S.Mësses y Funziuns dai 04. ai 11. de november 2012

Domëgna: 04.11.: Domëgna de düc' i Defunc' y Tomês te vera

Colecte por i bojüns dla ploania



- 6.30:** Messadora ia La Pli
9.30: Funziun por i+nc' - corona
10.00: S.M. por dōta la ploania, en recordanza dai Tomês y Pordüs te vera, con benedisciun dal Monumont ai Tomês S.M. por les Püres Animes

Lönesc: 05.11. Feria dla 31.edema dal ann, S.Emmerich

- 7.15:** S.M. por +nc' Paul y Michelina Kastlunger
S.M. por +nc' Trebo Anton y Pepi, Villa Toni
S.M. por +nc' Emilia y Johann Rindler

Dèdol.: 06.11.: Feria dla 31.edema: S.Linert, S.Protasius, S.Erfrid

- 18.00:** Corona por i defunc'

Dèdem.: 07.11.: Feria dla 31.edema: S.Willibrord, Sa.Karina, S.Ernst

- 18.00:** S.M. por +nc' Trebo de Pire
S.M. por +nt Antonio Punturieri
S.M. por fam. Morlang Lois y Irmì

Jöbia: 08.11. Feria dla 31.edema dal ann: S.Gregor, S.Willihard

- 18.00:** Corona por i defunc'

Vendr.: 09.11. Consacreaziun dla basilica Lateranense: S.Theodor

7.10: Messa dai scolari: 1. vendres dal mens

- S.M. por +nc' Pitscheider Anna y Taibon Pepi
S.M. por +nc' Lois y Nina Oberbacher
S.M. por +nc' de Paula Werth

12.45: Vegn porté la S.Comuniun ai Püri

15.00: Ora de adoraziun y oraziun

Sabeda 10.11. Sa.Maria in sabato, S.Leo le Gran, Papa

17.00: Poscibilità da se pissié

18.00: S.M. de reng. por la Classe **1952**

- S.M. aniv. por +nta Mutschlechner gretl, Osti
S.M. por +nc' de Treo
S.M. aniv. por +nc' Call Jepele y Loise
S.M. aniv. por +nt Isidor Castlunger, Grones

Domëgna 11.11.: 32. Domëgna da ann: S.Martin, vesco

Colecte por i bojüns dla ploania



- 6.30:** Messadora ia La Pli
9.30: Funziun dla domëgna – corona por i defunc'
10.00: S.M. por dōta la ploania
S.M. por +nt Flatscher Franz
S.M. por +nc' Maneschg Lois y Lukas
S.M. por +nc' de Federa Marta
14.00: Funziun dal Bato:

Pice catechism dl amur por le proscim

I oress
t'orèi bun
zënza te limité;
avèi stima de tè
zënza te iudiché;
te tó söl scerio
zënza ch'i te fissëies sön valch;
gnì da tè
zënza me sforzè sö;

I oress
t'invié
zënza te fà pretenjiuns;
te scinché valch
zënza intrecè aspetanzes;
tó comié da tè
zënza m'avèi jumé l'esenzial;
te comuniché mi sentimènc
zënza te ciarié sö porchèl responsabilité;

I oress
t'informé
zënza t'insigné;
te daidé
zënza t'ofène;
me fistidié por tè
zënza orèi te dessenè;
avèi ligrèza cun tè
insciö sciöche t'es.

dal' Inghiltera



Soghé a fà la pèsc

N te' vedl berba passà ia por na plaza. Al osservà n grup de mituns. Al parò ch'ai sogass a fà vera. Ai se saltà do un cun l'ater cun bastuns y sraian dadalt "peng - peng". Danterite n'èl incé dër de pici.

Surapinsier, é le berba stè n strüf ilò dlungia, spo ti él jü pomez al grup zënza pisimé y al à dit, imploran: "Mituns, ne stede a sughé a fà vera!"

Le sonn implorènt de chë usc da èl, à colpì i mituns. Ai s'à düc trat pomez a n te' mür, s'à consultè n pice momènt danter èi, spo ési jüs ia da chël èl, che è tres ciamò dailò, sciöche al sperass sön valch, y n möt l'à damanè: "Co sögon pa a fà la pèsc?"

Jörg Zink

Sorvisc dai Ministróné

Lönesc 05/11 (7:15h), Dédemesaledema 07/11 (18:00h) y Vendres 09/11 (7:10h): Asia y Mara Rungger **Sabeda 10/11 (18:00h):** Davide y Sara Fontanella, Richard y Emilie Comploi, Martina Kaneider, Angelo Marku; **Domëgna 11/11 (10:00h):** Paula y Veronika Erlacher, Alice y Luca Daverda, Emma y Leo Kastlunger;



Nur wer den Nächsten liebt,
kann wissen,
wer eigentlich Gott ist.
Und nur wer letztlich Gott liebt,
kann es fertig bringen,
sich auf den anderen Menschen
bedingungslos einzulassen ...

Karl Rahner

B. Heinen

